

Қазақстан Республикасы Министрлер Кабинетінің жанындағы Кеден комитетінің 1995 жылғы 11 қазандағы N 141-П бұйрығына өзгерістер мен толықтырулар енгізу туралы

Күшін жойған

Бұйрық Мемлекеттік кіріс министрлігі Кеден комитеті 1999 жылғы 9 желтоқсан N 609-Б Қазақстан Республикасы Әділет министрлігінде 1999 жылғы 15 желтоқсанда тіркелді. Тіркеу N 1001. Күші жойылды - ҚР Кіріс министрлігі Кеден комитетінің 2001.02.06. N 42 бұйрығымен. ~V011443

"Қазақстан Республикасындағы кеден ісі туралы" Z952368_ Қазақстан Республикасы Президентінің Заң күші бар Жарлығына өзгерістер мен толықтырулар енгізу туралы" Z990426_ Қазақстан Республикасы Заңының қ а б ы л д а н у ы н а б а й л а н ы с т ы

Б ұ й ы р а м ы н :

1. Мынадай өзгерістер мен толықтырулар енгізілсін:

1) Қазақстан Республикасы Министрлер Кабинетінің жанындағы Кеден комитетінің 1995 жылғы 11 қазандағы N 141-П бұйрығының, 1-тармағының үшінші абзацындағы "Ереже" сөзі "нұсқаулық" сөзімен ауыстырылсын;

2) Жоғарыда аталған бұйрықпен бекітілген Қазақстан Республикасының аумағына әкелінетін тауарлардың кедендік құнын бақылау жөніндегі Н ұ с қ а у л ы қ т а :

1.2-тармағының б) тармақшасындағы "Жарлығымен" сөздері "Заңымен" с ө з і м е н а у ы с т ы р ы л с ы н ;

екінші абзацтағы және 2 Варианттың төртінші абзацындағы "және валюталық бақылаудың" сөздері "(төлемдер бөлімімен)" сөздерімен ауыстырылсын;

1 Варианттағы "(2.10-тармағы Тауарлардың кедендік құнының тәртібі мен шарттары туралы Ережелер)" сөздері (2.10-тармағы "Қазақстан Республикасына әкелінетін тауарлардың кедендік құнының тәртібі мен шарттары туралы Нұсқаулық (бұдан әрі - Кедендік құнды мәлімдеу тәртібі туралы Нұсқаулық))" с ө з д е р і м е н а у ы с т ы р ы л с ы н ;

бүкіл мәтін бойынша "Ереженің" сөзін "Кедендік құнды мәлімдеу тәртібі туралы Нұсқаулықтың" сөздерімен ауыстырылсын;

2.5-тармағының үшінші абзацындағы "және валюталық бақылаудың" сөздері "(төлемдер бөлімінің)" сөздерімен ауыстырылсын;

3) Жоғарыда аталған бұйрықпен бекітілген, Қазақстан Республикасының аумағына әкелінетін тауарлардың кедендік құнын мәлімдеудің тәртібі мен

ш а р т т а р ы т у р а л ы Е р е ж е д е :

атаудағы "Ереже" сөзі "Нұсқаулық" сөзімен ауыстырылсын;

б ү к і л м ә т і н б о й ы н ш а :

"Ереже", "Ереженің" сөздері сәйкесінше "Нұсқаулық", "Нұсқаулықтың" сөздерімен ауыстырылсын;

"Президент Жарлығы", "Президент Жарлығының", "Президент Жарлығымен", "Президент Жарлығында" сондай-ақ "Жарлық", "Жарлықпен", "Жарлықтың", "Жарлықта" сөздері сәйкесінше "Заң", "Заңның", "Заңда" сөздерімен ауыстырылсын;

1.6. 1-тармақшасының екінші абзацы алынып тасталсын;

1-сілтемедегі "Заң күші бар" сөздері алынып тасталсын;

17а бағанының бесінші абзацындағы "олардың салмағына пропорционал" сөздері "олардың құнына пропорционал" сөздерімен ауыстырылсын;

Аталған Ережеге 3 қосымша осы бұйрыққа қосымшаға сәйкес жаңа редакцияда жазылсын.

2. Құқықтық қамсыздандыру басқармасы (Г. Мұхамедиева) осы бұйрықтың мемлекеттік тіркелуін қамтамасыз етсін.

3. Баспасөз қызметі (Г. Исахан) осы бұйрықтың жариялануын қамтамасыз етсін.

4. Кедендік кірістер басқармасы (Б.А. Жұмабеков) осы бұйрықтың жүзеге асуын қамтамасыз етсін.

5. Осы бұйрықтың орындалуын бақылау Қазақстан Республикасы Мемлекеттік кіріс министрлігінің Кеден комитеті Төрағасының орынбасары Д. Құнанбаевқа жүктелсін.

ҚР МКМ КК

1999 ж. "___" _____

№ _____ бұйрығына

қосымша

Кедендік құнның, кедендік төлемдер
мен салықтардың түзетулерін толтыру тәртібі туралы
Ереже

1. Осы Ережелер Қазақстан Республикасының аумағына әкелінетін тауарларға кедендік құнның, кедендік төлемдер мен салықтардың түзету нысанын толтырудың тәртібін (бұдан әрі - КҚТ) анықтайды.

2. КҚТ комплекті КҚТ-1 нысанындағы тігілген негізгі төрт парақтан, ал осы Нұсқаулықта қарастырылған жағдайларда КҚТ-2 нысанындағы қосымша

парақтардан құралады (қосымша).

КҚТ парақтары кедендік жүк мағлұмдамасының (бұдан әрі - КЖМ) парақтарына ұқсас бөлінеді.

3. КҚТ-1 негізгі парағы бір атаудағы тауардың (9-шы белгі деңгейіндегі СЭҚ ТН бойынша бірдей классификация) кедендік құнының, кедендік төлемдер мен салықтарының түзетулері туралы мәліметтерді көрсету үшін қолданылады, егер мұндай тауарлар қатысында бір кеден режимі белгіленген болса.

Негізгі парақтың бағандарын толтырудың жалпы ережелері КЖМ-ның сәйкес бағандарын толтыру ережелеріне ұқсас.

4. Тауарлардың бірнеше атауының кедендік құны, кедендік төлемдер мен салықтарының түзетулері кезінде КҚТ-2 қосымша парақтары пайдаланылады, олардың әрбіреуі тауардың тағы екі атауының кедендік құнын, кедендік төлемдер мен салықтарын түзетуге мүмкіндік береді. Қосымша парақтарды толтыру ережелері КҚТ-1 негізгі парағының тиісті бағандарын толтырудың ережелеріне ұқсас.

5. Қазақстан Республикасының аумағына әкелінетін тауарлар қатысында кедендік құнды және кедендік төлемдерді түзету мынадай жағдайларда жүзеге асырылуы мүмкін:

1) Кедендік ресімдеу барысында:

- мағлұмдаушының мәлімдеген кедендік құнның әдісі, мөлшері және/немесе құрылымы оны растауға ұсынылған құжаттарды және нақты төленген немесе төленуге жататын бағаны (КҚМ-1 "А" бөлімі немесе КҚМ-2 "А" және "Б"), оларға қосымша үстемелер (КҚМ-1 "Б" бөлімі немесе КҚМ-2 "В" бөлімінің 16-19 бағаны), оларға қосымша үстемелер (КҚМ-1 "Б" бөлімі немесе КҚМ-2 "В" бөлімінің 16-19 бағаны) немесе олардан шегерулер (КҚМ-1 "В" бөлімі немесе "В" бөлімінің 20-23 бағаны) оның нәтижесінде кедендік құнның мөлшері өзгереді (КҚМ-1 23 бағаны немесе КҚМ-2 25 бағаны);

- мәлімделген кедендік құнның мөлшеріне әсер еткен КҚМ-1 немесе КҚМ-2 нысандарында техникалық қателер анықталуының және түзетілуінің нәтижесінде ;

- "Қазақстан Республикасындағы кеден ісі туралы" Z952368_ Қазақстан Республикасы Заңының 15-бабының 3-тармағына сәйкес тауарды мағлұмдаушының пайдалануына беру мақсатында уақытша (шартты) кедендік бағалауды жүзеге асыру қажеттігі кезінде.

2) Уақытша (шартты) кедендік бағалаумен тауарды мағлұмдаушыға пайдалануға бергеннен кейін:

- мағлұмдаушының тапсырған қосымша ақпараттарының негізінде немесе кеден органымен тауарды кедендік бағалауды жүргізген кезде (белгіленген мерзімде мағлұмдаушының қажетті ақпаратты тапсырмаған жағдайда).

3) Тауарды еркін айналым үшін шығарғаннан кейін:

- тауарды мағлұмдау кезінде кедендік құнның мөлшеріне және/немесе құрылымына әсерін тигізген техникалық қателер анықталған кезде;

- кейінгі тексеру барысында анықталған дұрыс емес мағлұмдау анықталған жағдайларда (кеден органында сақтаулы құжаттардың пакетін кейінгі бақылау кезіндегі сияқты, СЭҚ қатысушылардың қаржы-экономикалық қызметін тексеру өткізген кездегідей);

- мәлімделген кедендік құнның сыртқы саудалық өзара шарт (шарттың) шарттарына әкелінген тауардың саны және/немесе сапасы жағынан ауытқуына байланысты кедендік мағлұмдаманы қабылдаған күнге орын алған тауарлардың нақты құнына сәйкессіздігі анықталған жағдайда. Түзету мағлұмдаушының өтініші бойынша, Қазақстан Республикасының Орталық кеден органымен белгіленген тәртіпке сәйкес жүргізіледі.

6. КҚТ-1, КҚТ-2 тек кедендік құны (соның ішінде статистикалық құн,

кедендік төлемдер мен салықтар) түзетілетін тауарларға ғана толтырылады.

Аталған нысандар КЖМ-ның ажырамас бөлігі болып табылады.

7. Кедендік құнды түзету нысанын толтыру ережелері.

Мағлұмдаушымен толтырылатын бағандар:

Сандық - 1, 2, 3, 5, 7, 8, 12, 14, 20, 22, 23, 24, 31, 32, 33, 34, 35, 37, 38, 41, 42, 44, 45, 46, 47, 54.

2, 7, 8, 14, 23, 24, 31, 32, 33, 34, 35, 37 және 41 бағандардағы КЖМ-ның сәйкес бағандарынан деректер қайталанады.

1-баған. "Түзету түрі".

Сол жақ бөлімшеде түзету түріндегі алтыбелгілік сандық код көрсетіледі:

бірінші сан түзету қандай этапта жүзеге асырылып жатқандығын көрсетеді:

1 - кедендік ресімдеу процесінде;

2 - мағлұмдаушының пайдалануына уақытша (шартты) кедендік бағалаумен тауарды бергеннен кейін;

3 - мәлімделген кеден режиміне сәйкес тауарды шығарғаннан кейін;

екінші сан:

1 - КҚМ-1 "А" немесе КҚМ-2 "А" және "Б" бөлімдері бойынша кедендік құнның мөлшеріне әсер еткен техникалық қателер*;

Ескерту. Техникалық қателерге арифметикалық қателер, қайта есептеудегі қателер немесе тауардың кедендік құнын есептеу кезінде валюта бағамының дұрыс қолданылмауынан болған қателер жатады.

2 - КҚМ-1 "А" бөлімінің немесе КҚМ-2 "А" және "Б" бөлімдерінің деректерін
т ү з е т у .

Ескерту. Техникалық және мазмұнды қателер анықталған жағдайда "2" санын
к ө р с е т у қ а ж е т ;

үшінші сан (кедендік құн көлемінің есебінен шығарылатын сомалармен/
шегерістермен байланысты деректерді түзету):

1 - КҚМ-1 "Б" бөліміндегі немесе КҚМ-2 "В" бөлімі бойынша (16-19 баған)
кедендік құнның көлеміне әсер еткен техникалық қателер;

2 - қосымша үстемелердің құрылымы мен мөлшерін нақтылауға байланысты
КҚМ-1 "Б" бөлімінің немесе КҚМ-2 "В" бөлімінің (16-19 баған) деректерін
т ү з е т у л е р ;

төртінші сан (кедендік құн көлемінің есебінен шығарылатын сомалармен/
шегерістермен байланысты деректерді түзету):

1 - КҚМ-1 "В" бөлімі немесе КҚМ-2 "В" бөлімі (20-23 баған) бойынша
кедендік құнның көлеміне әсер еткен техникалық қателер;

2 - рұқсат етілген есептен шығарулардың құрылымы мен көлеміне
байланысты КҚМ-1 "В" немесе КҚМ-2 "В" бөлімінің (20-23 баған) деректерін
т ү з е т у л е р ;

б е с і н ш і с а н :

1 - жетіспеушілік, сапасыз тауар;

2 - кеден органдарымен жүргізілген құжаттық келесі тексерудің нәтижесі;

3 - кеден органдарымен жүргізілген СЭҚ қатысушының қаржы-шаруашылық
қызметін тексерудің нәтижесі;

алтыншы сан оның аяқталған көзқарасынан түзетудің түрін көрсетеді:

1 - уақытша (шартты) кедендік бағалауға байланысты кедендік құнның
т ү з е т у і ;

2 - соңғы кедендік бағалауға байланысты кедендік құнның түзетуі.

Ескерту: 1. Түзету кодының сандары сандардың арасындағы және 5 пен 6
сандарының арасындағы "/" белгісімен үш блокқа бөлінеді. Осылай, түзету
түрінің коды: Х/XXXX/Х түрінде болады.

Екінші блокта (екіден беске дейінгі сандар) қарастырылған позициялардың
бірі болмаған кезде бұл жерде нөлдер қойылады.

М ы с а л д а р :

1) Түзетудің 1/1020/2 түрі түзету кедендік ресімдеу процесінде жүзеге
асырылды, түзетудің себептері КҚМ-1 "А" бөлімі бойынша немесе КҚМ-2 "А"
және "Б" бөлімдері бойынша техникалық қателер және КҚМ-1 "В" бөлімі
бойынша немесе КҚМ-2 "В" бөлімі (20-23 баған) бойынша деректерді нақтылау
болып табылады. Түзету кедендік құнның соңғы есебіне байланысты жүргізілді.

2) Түзетудің 1/0000/1 түрі кедендік құнды түзету кедендік ресімдеу

процесінде уақытша (шартты) кедендік бағалауға байланысты жүзеге асырылғанын білдіреді.

3) Түзетудің 2/0200/2 түрі түзету мағлұмдаушыға қосымша үстемелерді нақтылайтын құжаттарды мағлұмдаушы тапсырғаннан кейін соңғы кедендік бағалауды жүргізуге байланысты уақытша (шартты) кедендік бағалаумен тауарды мағлұмдаушыға тапсырғаннан кейін жүзеге асырылғанын білдіреді.

4) Түзетудің 2/0000/2 түрі мағлұмдаушының оның мәлімдеген кедендік құнын растайтын құжаттарды белгіленген мерзімде тапсырмағандықтан кеден органының соңғы кедендік бағалауды өткізуіне байланысты мағлұмдаушыға уақытша (шартты) кедендік бағалаумен тауарды тапсырғаннан кейін, мағлұмдаушының қосымша тапсырылған құжаттарына байланысты жүзеге асырылғанын білдіреді.

Бағанның оң жақ бөлімшесінде КЖМ 1-бағанының екінші бөлімшесінен кеден режимінің екі белгілі сандық коды көрсетіледі.

3-баған. "Қосымша парақтар".

Егер қосымша парақтар (КҚТ-2 нысаны) пайдаланылса толтырылады. Бағанды толтырудың ережелері КЖМ-ның сәйкес бағанын толтыру ережесіне ұқсас.

5-баған. "Тауарлардың барлық атаулары"

Бағанда кедендік құны түзетілетін тауарлар атауының жалпы саны көрсетіледі (сандармен).

12-баған. "Жалпы кедендік құн".

Бағанның сол жақ бөлімшесінде кедендік құны түзетілмеген қалған тауарлардың КЖМ-ның КҚТ-1 және КҚТ-2 45-бағандары, КҚТ-1 және КҚТ-2 45-бағандары және негізгі және қосымша парақтардың 45-бағандарының сол жақ бөлімшелерінде көрсетілген тауарлардың түзетілген сомасы ретінде анықталған жалпы түзетілген құн қойылады.

Бағанның оң жақ бөлімшесінде егер түзету бірінші рет жүргізілсе КЖМ-ның негізгі парағы 12-бағанының мәні немесе егер кедендік құнды түзету жүргізілген болса, КҚТ-1-дің алдыңғы бағаны сол жақ бөлімшесінің мәні көрсетіледі.

20-баған. "Жеткізілім шарттары".

Тауар жеткізілімінің шарттарын нақтылауға байланысты кедендік құнды түзеткен жағдайда бұл бағанда жеткізілімнің нақтыланған шарты көрсетіледі. Бұл болмаған жағдайда КЖМ-ның сәйкес бағандарынан деректер қайталанады.

22-баған. "Валюта және тауарлардың жалпы фактуралық құны".

Осы тауардың фактуралық құнын кедендік ресімдеуге КЖМ-сын қабылдау күніне нақтылауға (өзгеруге) байланысты осы бағанда тауардың фактуралық құнының нақтыланған мәні көрсетіледі. Бұл болмаған жағдайда КЖМ-ның сәйкес бағанынан деректер қайталанады.

23-баған. "Валюта бағамы".

22-бағанның сол жақ бөлімшесінде көрсетілген валютаның бағамын нақтылауға байланысты тауардың кедендік құнын түзеткен жағдайда осы бағанда Қазақстан Республикасының Ұлттық банкімен кедендік ресімдеуге КЖМ-сын қабылдаған күнге белгіленген Қазақстан Республикасының валютасына тауардың фактуралық құны мәлімделген валюта курсының нақтыланған мәні көрсетіледі. Бұл болмаған жағдайда КЖМ-ның сәйкес бағанынан деректер қайталанады.

Ескерту: Кедендік құнның барлық түзетулері (соның ішінде тауарды еркін айналым үшін шығарғаннан кейін кедендік құнды түзетуді қоса) кедендік ресімдеуге КЖМ-сын қабылдаған күнге валютаның бағамы бойынша жүргізіледі.

32-баған. "N тауары".

КЖМ-ның сәйкес бағанындағы кедендік құны түзетілетін тауардың нөмірі көрсетіледі.

38-баған. "Таза салмағы (кг)".

Тауардың таза салмағын Қазақстан Республикасының кеден аумағына енгізу сәтіне нақтылауға байланысты кедендік құнды түзеткен жағдайда осы бағанда тауардан оны пайдалануға дейін ажырамайтын алғашқы орамасын есепке ала отырып тауардың таза салмағының құжаттық расталған мәні немесе құйылатын және төгілетін тауарлардың жалпы салмағы көрсетіледі.

42-баған. "Тауардың фактуралық құны".

Тауардың фактуралық құнын нақтылауға байланысты кедендік құнды түзеткен жағдайда осы бағанда тауардың нақтыланған фактуралық құны көрсетіледі. Бұл болмаған жағдайда КЖМ-ның сәйкес бағанынан деректер қайталанады.

44-баған. "Қосымша ақпарат/тапсырылатын құжаттар".

Баған егер кедендік құнды түзету кезінде мағлұмдаушы қосымша құжаттар (өзара шартқа толықтырулар, қосымша келісімдер, кеден органдарының рұқсат қағаздары және т.с.) тапсырған жағдайда толтырылады.

Бағанды толтыру ережесі КЖМ-ның осындай бағанын толтыру ережелеріне ұқсас, бұл кезде оның негізінде түзету жүргізілген, мағлұмдаушының қосымша тапсырған құжаттарының нөмірлері мен күні көрсетіледі.

45-баған. "Тауардың кедендік құны".

Бағанда өзара шарт валютасында 31-бағанда бейнеленген, тауардың түзетілген кедендік құны көрсетіледі. Кедендік құн КЖМ-ның сәйкес нысанының 2-парағында ресімделген есептермен расталады.

46-баған. "Статистикалық құн".

Шартты (уақытша) кедендік бағалауға байланысты тауардың кедендік құнын

түзеткен жағдайда бұл баған толтырылмайды.

Соңғы кедендік бағалауға байланысты тауардың кедендік құнын түзеткен жағдайда бұл бағанда түзетілген кедендік құнның негізінде есептелген тауардың статистикалық құны көрсетіледі.

Бағанды толтыру ережесі КЖМ-ның сәйкес бағанын толтыру ережелеріне ұ қ с а с .

47-баған. "Кеден баждары мен алымдарын есептеу".

Кеден төлемдерін есептеу кезіндегі алғашқы бес бағаншаларды толтырудың тәртібі ("Түрі", "Есептеу негізі", "Ставка", "Сома", "ТТ") КЖМ-ның 47-бағанындыкіндей, кедендік ресімдеу үшін алымдарды есептеу кезінде есептеу үшін негізге КҚТ-1 12-бағанында көрсетілген құн алынады, ал әкелу кезінде алынатын өзге кедендік төлемдер мен салықтарды есептеу үшін КҚТ-1-дің (КҚТ-2) 42-бағанында көрсетілген құн алынады.

"ТК" ("Төлем түрінің коды") бағаншасында:

0 - түзетілген төлемнің сомасы КЖМ-да көрсетілген (осы тауар үшін) ұқсас төлемнің сомасынан төмен болса немесе (егер ертеректе кедендік құнды түзету жүзеге асырылған болса) КҚТ-1 немесе КҚТ-2 нысанының сәйкес парағында (егер түзету нәтижесінде төлем сомасының көбеюі орын алса) көрсетіледі.

Ескерту: егер кедендік құнды түзету нәтижесінде төлемнің тиісті түрі үшін төлем сомасы өзгермесе, онда бағаншада сызықша қойылады.

"Алдыңғы сома" бағаншасында ертеректе КЖМ-да немесе КҚТ-1 және КҚТ-2 -де (егер кедендік құнды, кедендік төлемдер мен салықтарды түзету жүзеге асырылған болса) мәлімделген сомасы көрсетіледі.

"Өзгеріс" бағаншасында "Сома" және "Алдыңғы сома" бағаншаларында көрсетілген шамалардың айырмашылығы көрсетіледі, егер төлемдерге қосымша үстеме аударылған болса "+" белгісімен, егер төлемдерді қайтару жүргізілсе "-" белгісімен.

"Өндіріп алуға жататын жалпы сома" бағаншасында "Өзгерістер" бағаншасында көрсетілген шамалардың сомасы көрсетіледі.

54-баған. "Орны мен күні".

Мағлұмдаушының осы бағанды толтыру ережелері КЖМ-ның сәйкес бағанын толтыру ережелеріне ұ қ с а с .

КҚТ-1 (КҚТ-2) нысаны кеден органының лауазымды тұлғасымен толтырылған жағдайда, осы бағанда онымен толтыру күні, қолы және жеке нөмірлі мөрі қойылады. Бұл кезде 14-баған толтырылмайды.

8. Кеден органы толтыратын бағандар.

Кеден органы А, 43, С, D бағандарын толтырады.

А бағаны.

Уақытша (шартты) кедендік бағалауға байланысты кедендік құнды түзеткен

жағдайда осы бағанада мағлұмдаушының кеден органына кедендік құнды нақтылау үшін қажетті құжаттарды тапсырған күні көрсетіледі. Кедендік құнды нақтылаудың жалпы белгіленген мерзімінің шегінде (60 күн) бірнеше аралық мерзімдер белгіленсе, онда осы бағанда ретімен осы мерзімдердің әрқайсысы көрсетіледі.

43-баған. "Кедендік құнды анықтау үшін пайдаланылған кедендік бағалаудың әдісі".

Кедендік құнды анықтаудың сандық белгіленуі көрсетіледі. Егер әдіс өзгермеген жағдайда мағлұмдаушының кедендік құнын мәлімдеген кездегі қолданған әдісі көрсетіледі (КЖМ-ның сәйкес бағанының бірінші позициясы (сан)). Егер кедендік құнды түзету кезінде кедендік құнды анықтаудың басқа әдісі қолданылған жағдайда, осы бағанда құнды түзету кезінде қолданылған әдіс көрсетіледі.

Тауарды уақытша (шартты) кедендік бағалаумен шығарған жағдайда бұл бағанда "0" қойылады.

С бағаны.

Мағлұмдаушының оған уақытша (шартты) кедендік бағалаумен тауарды беруге өтінішіне сәйкес кедендік төлемдер мен салықтарды төлеуінің түрі көрсетіледі. Бұл кезде кеден органының лауазымды тұлғасымен кеден органының депозитіне қажетті кедендік төлемдер енгізілген төлем қағазының нөмірі көрсетіледі және белгіленген тәртіпте куәландырылады.

Д бағаны.

Жеке нөмірлі мөрмен куәландырылған кеден органының құрылымдық бөлімшелері басшыларының қолдары және күні қойылады.

Оқығандар:

Багарова Ж.А.

Икебаева А.Ж.

